




Per cunsejls da scola, direcziuns da scola, persungas da contact e d'instrucziun (incl. scoligna)

Info 2013/14
1

Examen d'admissiun 2013

23 scolaras e scolaras òn frequentu igl 4 e 5 da zarcladour 2013 igl examen d'admissiun cantunal. Treis òn gia success ed els aintran an consequenza da lur prestaziuns cun l'antschatta digl nov onn da scola an la scola secundara.

Ainten igl decurs digls davos diesch onns è las annunztgas pigl examen d'admissiun sa redutgeidas considerablament. La reducziun marcanta igl onn da scola 2006/07 sa lascha declarar uscheia, tgi chel onn è saugmento ferm igl andomber da scolas superiouras cun igl model C.



illustraziun: Andomber d'annunztgas examen d'admissiun 2003 - 2013

Igl inspecturat angraztga cun chella occasiun a tot las persungas d'instrucziun tgi èn involucadas cun l'assegnaziun scu er a la cumischung d'assegnaziun per la exemplarica lavour prestada. Tgi ò do er ches onn pacas annunztgas è d'attribueir a la bunga practica cumplexiva d'assegnaziun ed a la bunga comunicaziun cun igls genitopurs. Las cumischungs regiunalas d'admissiun exequeschan igls examens tenor perscripziuns cantunalas. Las expertas ed igls experts or digl ravogl da la scola primara e digl scalem superior prestan fitg buna lavour. Angraztg fitg!

Examens d'admissiun da la 2. secundara an la scola cantunala resp. scolas medias privatas: www.mittelschulen.gr.ch

Igls documaints d'annunztga pigls examens d'admissiun an la terza classa digl gimnasi scu er an l'amprema classa da la scola media spezialisada stattan per dalunga a disposiziun [sen la pagina web](#). Las persungas d'instrucziun da classa èn supplitgeidas d'infurmar adequatamaintg igls genitours interessos.

Stellwerk – pensums cumparaglionts orientos a la promoziun pigl scalem superior: www.stellwerk-check.ch

Stellwerk pussibilitescha a mintga scolara ed a mintga scolar d'analisar individualmaintg igl nivel da prestaziun an igls tschintg roms matematica, tudestg, nateira e tecnica, engles e franzos. Igl profil da prestaziun inditgescha las fermezzas e las deblezzas digl individi e gida da piglier a mang las dretgas maseiras per promover a moda effizainta la promoziun. Igl onn da scola 2012/13 on otg scolas superiouras grischunas fatg accessibel 'Stellwerk' a lur scolaras e scolaras. Per ulteriours sclarimaints stattan igl inspecturat responsabel a disposiziun.

Studi an pedagogia curativa da scola: www.hfh.ch

La Scola ota intercantunala per pedagogia curativa da scola Turitg (HfH) porscha an cooperaziun cun la Scola ota da pedagogia Grischuna (SAPGR) ulteriouras scolaziuns complementaras a la professiun an pedagogia speziala (master) an la profundaziun [studi an pedagogia curativa da scola](#). Igl scumainzaint digl proxim studi è fixo pigl onn da studi 2014/15, en ulteriour studi è previa igl aton 2016. Li da studi è principalmaintg Coira. La HfH e la SAPGR anveidan tot las persungas interessadas ad ena occurrenza d'infurmaziun tgi ò li: mesemda, igls 2 d'otgover 2013, 16.00 anfignen 17.30, SAPGR, Scalärastr. 17. Coira. Ena annunztga è betg bisignevla. Per dumondas vigli-as sa drizzar tar igl magnaproject sign. Arno Ulber, 081 354 03 24.

Furmaziun supplementara obligatorica 2014: www.av.sr.ch

Igls [kurs obligatorics da furmaziun supplementara obligatorica](#) pigl onn calendaric 2014 èn da catter sen nosa pagina web. **varda agiunta 1**

Furmaziun supplementara an cunaschienscha da las religiuns ed etica pigl scalem superiour: www.av.sr.ch

Igl otgover 2013 ed igl avregl/matg 2014 succedan igl dus davos kurs [cunaschienscha da las religiuns ed etica pigl scalem superiour modul 1](#). Dumondas d'admissiun èn d'inoltrar treis meis avant igl scumainzaint tigl uffezi.

Engles an la scola primara – documaints d'infurmaziun: www.av.sr.ch

Las actualas fegnameiras intermediaras incl. indicaziuns tematicas da la gruppa accumpagnonta ‚engles primara‘ stattan a disposiziun sot: [Orientierungshilfe aus der Praxis für die Praxis](#). La tgesa editoura Klett metta a disposiziun folias infurmativas per l'infurmaziun digls genitours tar l'instrucziun an engles scu er tigl med d'instrucziun [New World](#).

Congress da barat svizzer: www.ch-go.ch

Igl [congress da barat svizzer](#) ò li igls 14 e15 da november 2013 a Coira. Organiso vign igl congress da furmaziun per la 6avla gEDA da la Fundaziun-ch per ena collaboraziun federala. Agl center stat igl tema „barat scu project pedagogic“. Radond 200 persungas interessadas per la tematica s'antoppan durant dus deis a la SAPGR a Coira. An connex cun la planisaziun, realisaziun ed analisa d'en project da barat sa dattan differentas dumondas: Scu catta en partenari adequat? Scu prepara ia scolaras e scolaras sen en barat? Scu saia nizzigier meds d'ageid electronics per en barat? Scu saia far pi ancunaschaint barats? Tge per ena rolla gioian igls genitours?

Igls participants spetga en program attractiv cun numerous referats, exaimpels or da la practica ed ateliers. Infurmaziuns ed annunztga per plascheir sur la pagina web u tar donna Tanja Pete, ch-Stiftung, Solothurn, Tel +41 (0)32 346 18 18.

De da sport cantunal Ropeskipling 2013: www.gr.ch

La partiziun da sport ‚graubündenSPORT‘ scu part digl uffezi per la scola populara ed igl sport organisescha per l'amprema gEDA en [de da sport](#) Ropeskipling. Tal porscha ena bunga preparaziun per igl examen da sport, rinforza igl spiert da gruppa e pussibilitescha da canoscher las differentas disciplinas da Ropeskipling. **varda agiuntas 2 e 3**

Valetaziun e promoziun da scola (VPS) 2011-14: www.av.sr.ch

Igl onn da scola 2013/14 vignan las scolas agl rom da ,Valetaziun e promoziun da scola (VPS)' evaluadas gio per la terza gEDA. Igl inspecturat da scola constattescha lotiers plaschevlas tendenzas:

- Durant igl ciclus actual da VPS 2011 – 2014 òn 54 pertschent da las scolas inoltro maseiras tar instrucziun e clima da scola. An igl ampren ciclus (2004 – 06) eran chegl 15 pertschent, an igl sagond ciclus (2007 -10) 40 pertschent: [Cumparagliaziun maseiras](#).
- La VPS vign percepeida da las scolas scu sustign. Da las scolas gio evaluadas considerechan 93 pertschent digls cunsegls da scola, magnascolas e magistraglia tgi l'evaluaziun seia clera, suandabla scu er professionala: [Analisa resungs](#).
- La vasta paletta da temas opziunals obligatorics vign nizzigeida da las scolas. Corresponentamaint sa preschainta igl maletg digls temas tschernias:



Nova practica da lubientschas: www.av.sr.ch

Cun l'introducziun da la nova lescha da scola sa meida an singuls sectours la practica da lubientschas. Per exaimpel decida da nov igl purtader da scola sur da la realisaziun da las emdas da project.

Mintga team da scola vign infurmo anc avant las vacanzas d'aton agl rom d'ena seduta regulara sur da las pi impurtantas directivas scu per exaimpel directivas concernent attestat e promoziun, reducziun grondezzas maximalas da las partiziuns, absenzas.

la giaveisch a tottas e tots ena bun'antschatta digl nov onn da scola! Andrea Caviezel, mander IS

Part regionala: District Plessur – Grischun central

Introducziun examen digl sport da scola 5. classa

Igl curs regional per l'introducziun an igl examen digl sport da scola per la 5avla classa an las regiuns Alvra e Tumliastga-Tusang òn li a Lai ed a Tusang. **varda agiuntas 4 e 5**

Occurenzas regionalas cun cunsejls da scola, manaders e persungas da contact

Las invitaziuns suondan a taimp per email.

Cura / noua	Tgi
26.11.2013, a las 19.00 a Coira	Regiun Coira, Scanfetg, Churwalda, Panadoz, Razégn
27.11.2013, a las 20.00 a Lai	Regiun Alvra, Surses
28.11.2013, a las 19.00 a Tusang	Regiun Tusang, Tumliastga, Schons, Avras, Valragn

Valetaziun e promoziun da scola (VPS) district Plessur – Grischun central

Las suandontas scolas vignan evaluadas durant chest onn da scola:
Daleu Coira, Muntogna Soura, Schons, Türligarten Coira, Giuvaulta, Rheinau Coira, Val Alvra scalem superiour, Tumliastga damez, Tschierscha, Panadoz-Razégn scalem superiour, Val Alvra da fora, Arosa, Curvalda


Igl termin èn a las scolas gio ancunaschaints e pon neir consultos sen [la pagina web digl inspecturat districtual](#). Per dumondas stat igl inspecter respunsabel gugent a disposiziun.

Mutaziun da personal an noss inspecturat districtual

Fredy Tischhauser bandunga per la fejn december 2013 igl inspecturat da scola an direcziun S. Giagl, noua tgi el è nia pladia scu conrectour da la scola professiunala artisanala. Nous angraztgagn a Fredy per sies grond angaschamaint scu inspecter da scola e giavischagn ad el tot igl bung an sia nova funcziun.

Igl inspecturat giaveischa a tots ena bunga antschatta da scola e bler plascheir e satisfacziun an la lavour cun scolaras e scolaras.

Per igl team districtual



Pauli Dosch, manader